




CHIDULE CHOFOTOKOZA ZA KACHITIDWE KA MAPEMPHERO A UMRAH

Chichewa

الشيشيوا

شركاء التنفيذ :



المحتوى الإسلامى



رواد التراجم



بيان الإسلام



دار الإسلام

يتاح طباعة هذا الإصدار ونشره بأي وسيلة مع
الالتزام بالإشارة إلى المصدر وعدم التغيير في النص

Tel : +966 50 244 7000
@ info@islamiccontent.org
Riyadh 13245-2836
www.islamiccontent.org

CHIDULE CHOFOTOKOZA ZA KACHITIDWE KA MAPEMPHERO A UMRAH

Kuyamikidwa konse ndi kwa Mulungu, Mbuye wa zolengedwa zonse, ndipo madalitso ndi mtendere zikhale pa Mtumiki wathu Muhammad, ndi aku banja kwake pamodzi ndi omutsatira ake onse.

Pambuyo pa mau amenewa:

Uwu ndi uthenga wachidule ofotokoza za kachitidwe ka mapemphero a Umrah, tinai-kira mtima pofotokoza zomwe zimafunika kwa munthu ochita Umrah.

Tikupempha Mulungu kuti auchite uthenga umenewu kukhala osangalasa iye yekha, ndikuti auchite kukhala othandiza kwa Asilamu onse.



Komiti yoona za maphunziro pansi pa bungwe lotanthauzira maphunziro a chisilamu mu zinenero zosiyasiyana.

Mawu Oyamba

Chiyambi: CHOYAMBA: ZOYENERA KUCHITA KUTI MAPEMPHERO ALANDIRIDWE

Ntchito yabwino inaliyonse singalandire pa maso pa Mulungu, kupatula patapezeka zinthu ziwiri:

Kugwira ntchito pofuna kusangalasa Mulungu:

Kugwira ntchito pofuna kusangalasa Mulungu: zomwe zikutanthaudza kuti munthu akamagwira ntchito yabwino azifuna kusangalasa Mulungu ndikufuna kukapeza malipiro abwino moyo omwe ukubwera, Mulungu akuyankhula kuti: «وَمَا أُمِرُوا إِلَّا لِيَعْبُدُوا اللَّهَ مُخْلِصِينَ لَهُ الدِّينَ حُنَفَاءَ» (Ayuda ndi Akhirisitu sadalamuridwe kudzera mu mabuku awo komanso Atumiki awo, kupatula zopembedza Mulungu m'modzi yekha ndikusiya kupembedza milungu ina.....) [1].

[Al-Bayyinah:5].

Mtumiki wa Mulungu-mtendere ndi madalitso a Mulungu zikhale pa iye-adati: «إِنَّمَا الْأَعْمَالُ بِالنِّيَّاتِ، وَإِنَّمَا لِكُلِّ امْرِئٍ مَا نَوَى» "Kulongosoka kwa ntchito iliyonse yabwino kumaimira pa chitsimikizo, ndipo munthu wina aliyense akalipidwa ntchito yake potengera ndi chitsimikizo chomwe adaika pa ntchitoyo...." [2]

kumutsatira Mtumiki pakachitidwe

Zoyenera kumutsatira Mtumiki pakachitidwe ka chitsimikizo poyankhula kapena kugwira ntchito, Mtumiki-mtendere ndi madalitso a Mulungu zikhale pa iye-adati: «مَنْ أَحْدَثَ فِي أَمْرِنَا هَذَا مَا لَيْسَ فِيهِ فَهُوَ رَدٌّ» "Munthu wina aliyense amene angayambitse chinthu choti mu malamulo athu a chisilamu mulibemo, chinthu chimenecho chidzabwezedwa kwa iye mwini tsiku lotsiriza" [3].

Mu kuyankhula kwina:

«مَنْ عَمِلَ عَمَلًا لَيْسَ عَلَيْهِ أَمْرُنَا فَهُوَ رَدٌّ»


"Munthu wina aliyense amene angagwire ntchito yomwe mu malamulo athu a chisilamu mulibemo, ntchito imeneyo idzabwezedwa kwa iye mwini tsiku lotsiriza" [4].

1- Kutanthauza kuti: molunjika kwa iye komanso kupembedza iye yekha, ndikusiya kupembedza milungu ina. Tafsir Al-Saadie (tsamba 538).

2- Nkhani ikupezeka mu buku la Bukhar, nambala yake mu bukumo ndi (1), komanso mu buku la Muslim ndipo nambala yake ndi (1907).

3- Nkhani ikupezeka mu buku la Bukhar, nambala yake mu bukumo ndi (2697), komanso mu buku la Muslim, ndipo nambala yake ndi (1718).

4- Nkhani ikupezeka mu buku la Muslim ndipo nambala yake ndi (1718).



CHACHIWIRI: LAMULO LOPHUNZIRA KACHITIDWE KA UMRAH NDI MALAMULO AKE

Ndi zofonika kwa munthu amene akufuna kugwira ntchito yabwino pofuna kumusangalatsa Mulungu kuti aphunzire chiphunzitso cha Mtumiki-mtendere ndi madalitso a Mulungu zikhale pa iye-kachitidwe ka ntchito akufuna kugwirayo; kuti ntchito yakeyo ikhale yogwirizana ndi chiphunzitso cha Mtumiki-mtendere ndi madalitso a Mulungu zikhale pa iyeyo. Mtumiki-mtendere ndi madalitso a Mulungu zikhale pa iyeyo-adali akuwalimbikitsa anthu zomutsatira iye komanso kutsatira chiphunzitso chake; nkhani ikuchokera kwa Malik mwana wa Al-Huraith-chisangalalo cha Mulungu chikhale pa iyeyo-amene adati: Mtumiki wa Mulungu-mtendere ndi madalitso a Mulungu zikhale pa iyeyo adanena kuti:

«صَلُّوا كَمَا رَأَيْتُمُونِي أُصَلِّي».

"Muzipemphera monga momwe mukundionera ine ndikupemphelera" [5].

Nkhani ikuchokera kwa Jabir-Mulungu asangalasidwe naye adanena kuti:

«رَأَيْتُ النَّبِيَّ صَلَّى اللَّهُ عَلَيْهِ وَسَلَّمَ يَرْمِي عَلَى رَأْسِهِ يَوْمَ التَّحْرِ وَيَقُولُ لِنَأْخُذُوا مَنَاسِكَكُمْ، فَإِنِّي لَا أَدْرِي لَعَلِّي لَا أَحُجُّ بَعْدَ حَجَّتِي هَذِهِ».

"Ndidamuona Mtumiki-mtendere ndi madalitso a Mulungu zikhale pa iye-akugenda miyala pilala laku Jamarat iye ali pa chokwera chake pa tsiku lodzinga zinyama uku akuyankhula kuti: phunzirani malamulo akachitidwe ka Hajj kuchokera kwa ine, chifukwa ine sindikudziwa mwina sindizachitanso Hajj ina pambuyo pa Hajj yangayi" [6].

5-Nkhani ikupezeka mu buku la Bukhar, nambala yake (6008).

6- Nkhani ikupezeka mu buku la Muslim, nambala yake (1297).

CHACHITATU: UBWINO WA UMRAH

Umrah ili ndi maubwino awiri:
opezeka nthawi zonse ndi nthawi
yapadera.

Ubwino wa Umrah wa nthawi zonse umboni wake ndi:

Nkhani ikuchokera kwa Abu Huraira-chisangalalo cha Mulungu chikhale pa iye-amene adanena kuti: Mtumiki wa Mulungu-mtendere ndi madalitso a Mulungu zikhale pa iye-adanena kuti:

«الْعُمْرَةُ إِلَى الْعُمْرَةِ كَقَارَةٍ لِمَا بَيْنَهُمَا، وَالْحَجُّ الْمَبْرُورُ لَيْسَ لَهُ جَزَاءٌ إِلَّا الْجَنَّةُ».

"Kuchita Umrah motsatizana zimafafaniza machimo omwe ali pakati pa Umrah ina ndi ina, ndikutinso Hajj yomwe yachitika moyenerera, ilibe malipiro ena posakhala kukalowa ku mparadiso"^[7].

Nkhani ikuchokera kwa Abdullah mwana wa Masood-Mulungu asangalasidwe naye-amane adayankhula kuti: Mtumiki wa Mulungu-mtendere ndi madalitso a Mulungu zikhale pa iye-adanena kuti:

«تَابِعُوا بَيْنَ الْحَجِّ وَالْعُمْرَةِ، فَإِنَّهُمَا يَنْفِيَانِ الْفَقْرَ وَالذُّنُوبَ كَمَا يَنْفِي الْكَبِيرُ خَبَثَ الْحَدِيدِ وَالذَّهَبِ وَالْفِضَّةِ، وَلَيْسَ لِلْحَجِّ الْمَبْرُورِ ثَوَابٌ إِلَّا الْجَنَّةُ».

"Chulukitsani kuchita Umrah pambuyo pochita Hajj chifukwa mapemphero awiri amenewa amapangisa kuchosa umphawi komanso machimo monga momwe moto^[8] umachosera dzimbiri za zisulo za golide ndi siliva, ndipo Hajj yomwe yachitidwa moyenerera, ilibe malipiro ena koma kukalowa ku mparadiso"^[9].

Ubwino wa Umrah wa nthawi yapadera, ndi omwe umakhala nthawi ya mwezi wa Ramadhan:

nkhani ikuchokera kwa mwana wa Abbas-Mulungu asangalasidwe ndi awiriwa(mwana ndi bambo ake)-omwe adanena kuti: Mtumiki-mtendere ndi madalitso a Mulungu zikhale pa iye-adanena kuti:

«عُمْرَةٌ فِي رَمَضَانَ تَقْضِي حَجَّةً مَعِيَ».

"Kuchita Umrah mwezi wa Ramadhan, zimakhala ndi malipiro ofanana ngati munthu wachita Hajj limodzi ndi ine"^[10].

7- Nkhani ikupezeka mu buku la Bukhar, nambala yake ndi (1773), komanso mu buku la Muslim, nambala yake ndi (1349).

8- Malo amoto wa osula zitsulo ndi miyala ya mtengo wapatali, buku lotchedwa Al-Tamhid lolembedwa ndi Ibn Abdul Al-Barr (15/102)

9- Nkhani ikupezeka mu buku la Tirmidhi, nambala yake ndi (810), komanso mu buku la Nasai, nambala yake (2631).

10- Nkhani ikupezeka mu buku la Bukhar, nambala yake (1863), komanso mu buku la Muslim, nambala yake (1256)



KACHITIDWE KA UMRAH



CHOYAMBA: MALAMULO A MALO OCHITIRA CHITSIMIKIZO CHA UMRAH NDIKUVALA CHOVALA CHOCHITIRA UMRAH

Al-Mawaaqeet: Awa ndi malo amene Mtumiki-mtendere ndi madalitso a Mulungu zikhale pa iye-adawapanga kukhala apa dera kuti munthu amene akufuna kuchita Hajj kapena Umrah achitire chitsimikizo ndikuvala zovala zochitira mapempherowo.

Kwa munthu amene akudutsa amodzi mwa malo amenewa ali ndi chitsimikizo chochita Hajj kapena Umrah: akukakamizidwa kuchita chitsimikizo chochita mapempherowa komanso kuvala zovala zochitira mapempherowo ali pamalo, ndipo sizovomerekeza kuti adutse malowo osachita zimenezo.

Kwa munthu amene ali pafupi ndi mzinda wa Makkah mu malo ochitira chitsimikizo ndikuvala zovala zochitira Hajj kapena Umrah: munthu ameneyo malo ake ochitira chitsimikizo ndikuvala zovala zochitira mapempherowo ndi malo ake akukhalawo; akuyenera kuchitira chitsimikizo ndikuvala zovala zochitira Hajj kapena Umrah kuchochera malo omwe ali nawo chifupi mu malo omwe adawaika Mtumiki kukhala okonzekelera za Hajj kapena Umrah.

Tsono kwa anthu a mzinda wa Makkah ndi okhala m'menemo: akuyenera kuchita chitsimikizo cha Hajj ali mu mzinda wa Makkah. Koma ngati akufuna kuchita Umrah: akuyenera kutuluka ndikupita ku malo ochitira chitsimikizo ndikuvalira zovala zochitira Umrah, monga malo otchedwa Tan'eem ndi ena otero.

Tsono kwa munthu amene ali mu ndege: akuyenera kutsimikiza zochita Umrah akayang anizana ndi malo ochitira chitsimikizo ndikuvalira zovala zochitira Umrah, akuyenera kukonzeka ndikuvala zovala zochitira Umrah asanayang anizane ndi malo ochitira chitsimikizo ndikuvalira zovala zochitira Umrah, akakhala pafupi ndi malowa akuyenera kuchita chitsimikizo nthawi yomweyo, ndipo sizovomerezeka kwa iye kuchedwesa kutero kufikira pomwe watsika pa bwalo la ndege. Komanso ndi zotheka kwa iye kuyamba kuyankhula mau ovomera kuitana kwa Mulungu asanayang'anizane ndi malo ochitira chitsimikizo ndikuvalira zochitira Umrah popozera kuwadusa malo oyenera kuyankhulira mau ovomereza kuitana(labbaika Allahumma labbaika); chifukwa chakufulumira kwa ndege.



CHACHIWIRI: KAVALIDWE KA CHOVALA CHOCHITIRA UMRAH NDI MALAMULO AKE

Zimalamuridwa kwa munthu amene akufuna kuvala chovala chochitira Hajj kuchita zinthu zikubwerazi:

Kusamba, ndi lamulo lotsimikizika kwa amuna ndi akazi omwe, ngakhale akazi omwe akudwala matenda achizimai komanso omwe akudwala matenda a ubereki.

Kupaka m'mutu ndi ndevu zake mafuta onunkhira bwino kwambiri opangidwa kuchokera ku mtengo kapena cho-sakhala mtengo, mafuta omwe wakwanisa kuwapeza, ndipo palibe vuto kusalira fungo pambuyo povala chovala chochitira Hajj. Tsono mzimai, sakulodwa kugwiritsa ntchito mafuta onunkhiritsa; poopezera kuti amuna adera atha kumva fungolo.



Kuvala chovala chochitira Hajj, chimenecho ndi chovala gawo la thupi la pansi komanso kumtunda. Ndi bwino kuti nsalu ziwiri zimenezi zikhale zoyera za ukhondo kapena zatsopano. Koma munthu wa mkazi, akuyenera kuvala zovala zomwe wafuna koma zosaonesera zozikongolesera, ndipo akuyenera kupewa kuvala chophimba kumaso (Niqa-b) komanso zophimba manja ake (magolovesi), ndipo akuyenera kuphimba nkhope pamodzi ndi manja ake (akakhala kuti pali amuna adera).

Akuyenera kuvala chovala chochitira Hajj pambuyo popemphera pemphero lolamuridwa ,kaya ndi lokakamizidwa kapena losakakamizidwa, koma kuteroko sikuti ndi chinthu chokakamizidwa.

Ayankhule kuti:(Labbaika Allahumma Umratan), ngati akumuchitira wina Umrahyo,ayankhule kuti:(Labbaika Allahumma Umratan an Fulan).

Ngati munthu akuopa kuti mwina patha kupezeka chomuletsa kukwaniritsa mapemphero ake a Hajj, ndi zololedwa kwa iyeyo kuyankhula mau oti: (....ngati nditasekerezedwa ndi chondisekereza,malo omwe ndingachitire chitsimikizo ndikuvalira chovala chochitira Hajj ndi pamalo omwe ndasekerezedwawo), nde munthu akayankhula mau amenewa ndikuchitika chinthu chomuletsa kukwaniritsa mapemphero ake,ndi zololedwa ndipo palibe vuto lililonse.

Kenako achulutse kuyankhula mau ovomera kuitana kwa Mulungu oti : (Labbaika Allahumma Labbaika, Labbaika laa sharika laka labbaika, Innal-hamda, wannimata laka wal-muluku, laa sharika laka). Mamuna komanso mkazi onse akuyenera kukweza mau pomwe akuyankhula mau amenewa; mzimaiyo ngati sali pafupi ndi amuna adera. Munthu amene akuchita Hajj akuyenera kuchulukisa kuyankhula mau amenewa pomwe nyengo ndi malo zasintha, monga ngati ali pamalo okwera,kapena otsika kapena pomwe usiku ndi usana ukudza^[11].

11- Tanthauzo la mau omwe munthu amayankhula oti: (Labbaika) ndikukuyankhani ee inu Ambuye,, nthawi ndi nthawi, ndipo tanthauzo lake ndi:kuvomera komwe munthu amamuvomera mbuye Mulungu ndikumumvera malamulo ake. "Inna al-hamda wa al-nimata laka wal-muluku" al-hamdu: kumufotokoza Mulungu amene ndi otamandidwa ndi mafotokozedwe okwanira limodzi ndikumukonda ndikumulemekeza,kutamandidwa kukabwerezedwa kumasanduka kumutamandira. Wa Al-Nima: ndi zomwe Mulungu amawapasa akapolo ake mu zofuna zawo komanso kwateteza ku zinthu zoipa, mau ake oti: (al-muluku)akutanthauza kuti: umfumu onse ndi wanu. Mulungu yekha ndi amene ali mwini zonse. Mau ake oti(Laa Sharika Laka): kutanthauza kuti: palibe wina aliyense amene amakuthandizani mu zinthu zomwe zikukhuza inu nokha mu mbiri zanu zokwanira bwino, ngati unokha wanu pa umwini wa chilichonse,kulenga ,kuyendesa kwa zinthu zonse komanso popembedzedwa. Izi zalembedwa mwachidule mu buku la Fatawa komanso mauthenga olembedwa ndi Al-Othaimeen(22/96).


Kuyankhula mau ovomereza kuitana kwa Mulungu pomwe ukuchita Umrah kumayamba ukangovala chovala chochitira Umrah ndipo umatsiriza ukayamba kuzungulira nyumba ya Mulungu.

Munthu amene wavala chovala chochitira Hajj akuyenera kupewa china chilichonse mu zinthu zomwe ndi zoletsedwa kwa munthu akuchita Hajj kufikira pomwe wamariza zonse zofunika kuchita nthawi ya Hajj.

CHACHITATU: KAZUNGULILIDWE KA KAABA(NYUMBA YA MULUNGU)

Munthu amene akuchita mapemphero a Hajj akafuna kulowa mu mzikiti waku Makkah, akulamuridwa zosogoza mwendo wake waku manja ndikuyankhula pemphero lolowera mu mzikiti, pemphero lotsimikizika lolowera mu mzikiti ndi loti munthu ayankhule kuti: "Allahumma iftah lii abuwaba rahmatika", pemphero ili munthu akuyenera kunena nthawi iliyonse akulowa mzikiti wina ulionse, sikuti ndi lokhuza mzikiti wa mzinda wa Makkah okha ayi.

Munthu ochita Hajj akafuna kuyamba kuzungulira nyumba ya Mulungu, amayenera nsalu yomwe wavala kumtunda aidusise kungsi kwa nkhwapa yake mbali ya manja, ndipo tsonga za nsaluyo azike pa phewa lake laku manzere, ndipo akamariza kuzungulira nyumba ya Mulungu, amaibwezereza nsalu mmene idalili asadayambe kuzungulira Kaaba; chifukwa kudusisa nsalu kungsi kwa nkhwapa ndikuika tsonga zake pa phewa laku manzere, zimachitika nthawi yomwe ukuzungulira Kaaba. ikuti ndi lokhuza mzikiti wa mzinda wa Makkah okha ayi.



Kenako amapita pomwe pali mwala okuda,ndikugwira ndi dzanja lake laku manja ndikuupyopyona, ngati sangakwanise kuupyopyona mwalawo,amayenera kungougwira ndikupyopyona dzanja lake,komanso ngati sizingatheke kuugwira mwalawo ndi dzanja lake,adzangoukhuza ndi chinthu chilichonse chomwe watenga m'manja mwake ngati ndondo ndi zina zotero kenako ndikuupyopyona, ngati zimenezonso sizingatheke kuti atero,iye akuyenera kulunjika komwe kuli mwala okudawu ndikungolozera ndi dzanja lake ndipo sakuyenera kupyopyona dzana lake, ndipo zabwino zake ndi zoti asalimbirane ndi anthu pofuna kuchita zimenezi poopezera kuwazunza anthu komanso iyeyo kuzunzika ndi anthuwo.

Pa nthawi yomwe akugwira mwala kapena kuulozera, munthu ochita Hajj anene mauoti: (Allah Akbar).

Kenako akuyenera kuyamba kuzungulira nyumba ya Mulungu (Kaaba)poyenda mbali yaku manja ndikuisiya nyumba ya Mulungu(Kaaba)mbali yaku manzere, ndipo akafika pa ngodya yakumanja,agwire mwala okuda popanda kuupyopyona, ngati sanakwanise kugwirako,asalimbirane ndi anthu ena kuti mpaka agwire gwirebe, kapena kulozera asalozere.

Ndipo akakhala pakati pa ngodya yakumanja ndi mwala okuda ayankhule mau awa: (Rabbana aatina fii m'dunia hasana wa fil-akhirat Hasana waqina a'dhaaba n-nari").

Nthawi iliyonse yomwe akudutsa pafupi ndi mwala okuda, akuyenera kuulozera ndi dzanja lake uku akunena kuti: (Allah Akbar).

Kwina konse kosalako pa nthawi yomwe akuzungulira nyumba ya Mulungu, azimukumbukira Mulungu ndikumu-pempha zomwe akuzikonda komanso aziwerenga Qur'an.

Ndi zolamuridwa kuti kuzungulira koyamba mpaka kwa chitatu akuyenera kuyenda mofulumira uku akuwandikisa mayendedwe ake(mapazi), pomwe kuzungulira kunayi kotsiriza,sakuyenera kuyenda mofulumira,akuyenera kuyenda momwe amayendera mwa chizolowezi chake.

Akamariza kuzungulira nyumba ya Mulungu, amapita ku malo omwe Abraham amaima pomanga nyumba ya Mulungu ndikuwerenga mau:

﴿وَاتَّخِذُوا مِنْ مَّقَامِ إِبْرَاهِيمَ مُصَلًّى...﴾
(...wattakhidhu min maqami Ibrahim muswalla....)

[Al-Baqarah:125] Kenako apemphere maraka awiri kumbuyo kwa malo omwe ankaima Abrahamwo ngati kuli kotheka, ngati sizingath-eke kupemphelera malo ame-newo, apemphelere malo ena alionse mu mzikitimo, pa rakat yoyamba, pambuyo powerenga Surah Al-Fatiha awerenge iyi:

﴿قُلْ يَا أَيُّهَا الْكَافِرُونَ﴾
(Qul ya Ayyuha Al-Kafiruna)
[Al-Kafirun:1] Pa raka yachi-wiri, pambuyo powerenga Al-Fatiha, awerenge iyi:

﴿قُلْ هُوَ اللَّهُ أَحَدٌ﴾
(Qul huwa Allah ahadu...)
[Al-Ikhlās:1]



CHACHINAYI: KATHAMANGIDWE KA PAKATI PA SAFA NDI MARWA

Akamariza kuzungulira nyuba ya Mulungu(Kaaba)ndi ku-pemphera maraka ake awiri,akuyenera kuchoka ndikupita malo othamangira pakati pa Safa ndi Marwa. ndipo aka-wandikira pa Safa, awerenge mau a Mulungu awa:

﴿إِنَّ الصَّفَا وَالْمَرْوَةَ مِنْ شَعَائِرِ اللَّهِ...﴾

(Inna al-swafa wal-mar-wata min sha'airi Allah...) [Al-Baqarah:158]. Kenako anene kuti:

﴿أَبْدَأُ بِمَا بَدَأَ اللَّهُ بِهِ﴾.

"Ndikuyamba ndi chimene Mulungu anayamba nacho."^[12].



Kenako amakwera pa phiri la Swafa mpaka ataiwona Kaaba kapena mbali yake, ndikuyang'anizana nayo kaabayoy, ndipo kenako ayankhule mau a umodzi wa Mulungu, ndikuyankhula mau omukweza Mulungu, ndikuyankhula mau awa:

«لَا إِلَهَ إِلَّا اللَّهُ وَحْدَهُ لَا شَرِيكَ لَهُ، لَهُ الْمُلْكُ وَلَهُ الْحَمْدُ، وَهُوَ عَلَى كُلِّ شَيْءٍ قَدِيرٌ، لَا إِلَهَ إِلَّا اللَّهُ وَحْدَهُ، أَنْجَزَ وَعْدَهُ، وَنَصَرَ عَبْدَهُ، وَهَزَمَ الْأَحْزَابَ وَحْدَهُ»، ثُمَّ دَعَا بَيْنَ ذَلِكَ. قَالَ مِثْلَ هَذَا ثَلَاثَ مَرَّاتٍ.

"Laa ilaha illa Allah wahdahu la sharika lahu, lahul-muliku walahul-hamdu, wahuwa a'la kulli shay'in qadiru, laa ilaaha illa Allah wahdahu, anjaza wa'adah, wanaswara abudahu, wahazama al'ahzaba wahdahu", Kenako amapempha pempho pakati pa zimenezo. Kenako adzanena zimenezo katatu.

Kenako munthu ochita Hajj amatsika kuchokera pa phiri la Swafa kupita ku Marwa akuyenda, ndipo akafika pomwe pali chizindikiro chobiliwira(green) amayenda mofulumira kwambiri, ndipo akafika pomwe pali chidzindikiro chobiliwira cha chiwiri,amayenda m'mene amayendela osati mofulumira, ndipo sizolamuridwa kwa azimai kuti aziyenda mofulumira akafika malo omwe pali chidzindikiro chobiliwirachi.

Munthu ochita Hajj akafika pa phiri la Marwa,zalamuridwa kwa iye kuchita zofanana ndi zomwe anachita ali pa phiri la Swafa[ndime ya yachiwiri(2)].



Kenako munthu ochita Hajj amatsika kuchokera pa phiri la Marwa kupita ku phiri la Swafa akuyenda, ndipo akafika pomwe pali chizindikiro chobiliwira(green) amayenda mofulumira kwambiri, ndipo akafika pomwe pali chidzindikiro chobiliwira cha chiwiri,amayenda mmene amayendela osati mofulumira

Achite choncho kufika atakwaniritsa kuzungulira kasanu ndi kawiri,kupita ku Marwa kuchokera ku Swafa kameneko ndi kamodzi, kubwelera ku Swafa kuchokera ku Marwa, kumenekonso ndi kuzungulira kwa chickena.

Pa nthawi yomwe akuthamanga pakati pa Swafa ndi Marwa,akuyenera kumamukumbukira Mulungu ndikumamupempha komanso kuwerenga zomwe wakonda.



CHACHISANU: KAMETEDWE NDI KAYEPULIDWE KA TSITSI LA M'MUTU

Munthu amene akuchita Umrah akamariza kuzungulira nyumba ya Mulungu, komanso wamariza kuthamanga pakati pa Safa ndi Marwa, akuyenera kumeta tsisi lake kapena kuli-yepula ngati ali mamuna. Zalamuridwa kuti kumeta kapena kuyepula kukhale kwa mutu onse.

Ndipo Kumeta tsitsi lonse ndi kwabwino kuposa kuyepula, kupatula ngati nthawi ya mapemphero a Hajj yawandikira zomwe zingapangise kuti pasakhale nthawi yokwanira yoti tsisi limele m'mutu; zikatero, zabwino zake ndikuyepula.

Tsono mkazi, akuyenera kuyepula tsonga za tsisi lake molingana ndi tsonga ya chala.

ZINTHU ZOLETSEDWA KWA MUNTHU AMENE AKUCHITA MAPEPHERO A UMRAH

Zinthu zoletsedwa kuzichita munthu amene ali pa mapephero a Umrah ndi izi:

Kumeta tsisi la m'mutu, kapena kuliypula, kapena kuzula tsitsi kuchokera malo alionse apa thupi pake.

Kuwenga zikhadabo zonse kapena zina mwa izo kuchokera mapazi onse awiri kapena manja onse awiri.

Kuphimba mutu ndi chinthu chokhazikikapo, monga chipe-wa, chimaki, kapena nduwira, kapena kuvala chovala pamutu, kapena kuyika mpango, bulangete, katonu, kapena china chilichonse chomwe cholinga chake ndi kuziphimba. Lamulo ili likukhuza amuna okha osati ndi azikazi omwe.

Kuvala chovala cha nthawi zonse chophimba thupi lonse cholingana ndi thupi lake; mavalidwe achizolowezi, monga: chovala chosokedwa, thalauza, malaya, masokosi, ndi magolovesi. Lamulo ili likukhuza amuna osati ndi akazi omwe; chifukwa zomwe akazi amaletsedwa kuvala ndi izi:

Kuvala niqab, burqa, kapena chophimba chofanana ndi niqab. Mkazi akukakamizidwa kuphimba nkhope yake pamaso pa amuna adera ndi chophimbira nkhope cha nthawi zonse; ngakhale chophimbira nkhopecho chitakhuza nkhope yake, ndipo sakulamulidwa mkaziyo kumanga mpango mmutu ndi cholinga choti choziphimbira chija chisakhuze nkhope; chifukwa chosowa umboni wamachitidwe amenewo.

Kuvala magolovesi m'manja mwake, ndipo atseke m'manja pamaso pa amuna adera powaika manjawo mkati mwa chovala chake.

Kupaka mafuta onunkhiritsa pathupi, kapena pa zovala zimene wavala pochita Hajj kapena Umrah.

Kupha kapena kusaka nyama yapa mtunda, ngakhale asaiphe.

Kufunsira mkazi kapena kumufunsilira wina.

Kumangitsa ukwati.

Kukhuzana thupi popanda kuchita ukwati; ngati kupyopyo-nana,ndikugwirana mwa chilakolako.

Kugonana, komwe ndi kulowana kwa maliseche.

CHIDULE CHA ZOFUNIKA KUCHITA NTHAWI YOCHITA UMRAH:

Kusamba

Kudzola Pelefyumu

Kuvala chovala chochitira
Umrah.

Kuchita chitsimikizo
chochitila mapemphero a
Umrah.

Kuyankhula mau ovomera
kuitana oti (Labbaika
Allahumma labbaika).

Kuzungulira nyumba ya
Mulungu (Kaaba).

Kupemphera maraka awiri
kumbuyo kwa malo omwe
ankaima Abraham pomanga
Kaaba.

Kuyenda ndawala pakati pa
Swafa ndi Marwa.

Kumeta kapena kuyepula
tsitsi. Mulungu ndiye
akudziwa bwino lomwe, ndipo
Mulungu adalitse ndi
kupereka mtendere kwa
Mtumiki wathu Muhammad.



Mlozera

CHIDULE CHOFOTOKOZA ZA KACHITIDWE KA MAPEMPHERO A UMRAH	3
Chiyambi:	4
CHOYAMBA: ZOYENERA KUCHITA KUTI MAPEMPHERO ALANDIRIDWE	4
CHACHIWIRI: LAMULO LOPHUNZIRA KACHITIDWE KA UMRAH NDI MALAMULO AKE	5
CHACHITATU: UBWINO WA UMRAH	6
KACHITIDWE KA UMRAH	7
CHOYAMBA: MALAMULO A MALO OCHITIRA CHITSIMIKIZO CHA UMRAH	8
NDIKUVALA CHOVALA CHOCHITIRA UMRAH	
CHACHIWIRI: KAVALIDWE KA CHOVALA CHOCHITIRA UMRAH NDI MALAMULO AKE	10
CHACHITATU: KAZUNGULILIDWE KA KAABA(NYUMBA YA MULUNGU)	12
CHACHINAYI: KATHAMANGIDWE KA PAKATI PA SAFA NDI MARWA	16
CHACHISANU: KAMETEDWE NDI KAYEPULIDWE KA TSITSI LA M'MUTU	18
ZINTHU ZOLETSEDWA KWA MUNTHU AMENE AKUCHITA MAPEPHERO A UMRAH	19
CHIDULE CHA ZOFUNIKA KUCHITA NTHAWI YOCHITA UMRAH:	21

تعرف على الإسلام

بأكثر من 100 لغة



موسوعة الأحاديث النبوية
HadeethEnc.com



ترجمات متقنة للأحاديث
النبوية وشروحها بأكثر من
لغة (60)



بيان الإسلام
byenah.com



مواد منتقاة للتعريف
بالإسلام وتعليمه بأكثر
من (120) لغة



موسوعة القرآن الكريم
QuranEnc.com



ترجمات متقنة لمعاني
القرآن الكريم بأكثر من
لغة (75)



موسوعات وخدمات إسلامية باللغات
s.islamenc.com



للمزيد
من المواقع الإسلامية
بلغات العالم



مجمع المحتوى الإسلامي باللغات
islamcontent.com



مواد إسلامية متنوعة
وشاملة بأكثر من (125)
لغة



ضيوف الرحمن
hajjumrh.com



مواد منتقاة للحجاج
والمعتمرين و الزوار
بلغات العالم

جمعية خدمة المحتوى
الإسلامي باللغات



ضيوف الرحمن
hajjumrh.com

